

文谷集  
三

詩

共十三

~ 16  
2431  
3



和  
2431  
13-3

文谷集卷之五目錄

詩

一百五十六首

元朝志感

次朴徵之元朝韻

書扇贈閔鎮厚兄弟


別徵弟入堤川

哭姊兄李延安

復用涯字韻寄朴徵之

訪朴徵之泉谷新居

宋司諫奎濂母夫人挽



南生有昌來過東州累居臨別用詩山使君韻

三月晦日次唐詩韻

李生松齊來訪臨別書贈

憶朗州 八首

次協兒營屋白雲之作 二首

收蕎麥

秋夜有懷 二首

朴微之見示重陽之作次韻

攜兒輩觀瀑三釜淵仍遊太華山

次翁兒遊太華諸作韻 三首

三釜淵西邊有斷阜命名香爐臺次翁兒韻

用王考三釜落詩韻書示翁兒

李彛仲歷鶴浦楓嶽來過書贈

金德山德耆來訪次其韻

次德耆留贈韻

夜坐書懷次翁兒宿禪房韻

安邊府伯申寅伯過訪索別語口占 二首

陪伯氏仲氏遊太華宿僧院

敬次仲氏遊太華書示翁兒之韻

次翁兒遊太華示兄弟之作

追次俞伯圭前日寄贈韻

伯氏既棲遯谷雲而仲氏方營菟裘於嘉陵余  
之小築在白雲山翁兒又結廬太華山一家  
所依歸皆密邇聊賦一律以識之

追酬俞伯圭丁巳秋見寄之作 二首

感舊書懷錄寄青平沈都尉

追感舊事寄示洪伯涵昆季

敬次仲氏寄示韻 二首

偶檢丙申銀臺酬唱詩什感懷次韻 二首

又閱銀臺直廬與伯圭聯句之作追感次韻

次朴徵之見寄韻謝寄鷓鴣

重檢舊詩得心甫幼能酬唱之什步其韻 四首

感懷用中夜悲歌泣孝宗分韻 七首

夢侍 孝廟用丙辰冬記夢韻書感

敬次伯氏寄示之作

除夜感懷 二首

敬次仲氏除夕寄示之作 二首

次協兒遊太華韻

春帖 四首

僉知兄 壽昌 病愈有詩見寄次韻 二首

敬次王考三釜瀑韻

次俞伯圭新年送賀之作二首

次僉知兄寄示韻

病中有懷寄呈僉知兄

趙內乘泰相挽

趙校理根挽

洪監司柱三挽

姜判書栢年挽

趙判書珩遷葬挽二首

仁敬王后挽詞四首

閔鎮厚妻挽

利川池閣漫吟

敬次伯氏記夢憶山之韻

別族姪盛達之鎮安

尹靈山以明挽

朗原君夫人遷葬挽

無何洪公迎謚宴席上口占

醮季子有感錄寄彛仲

敬次伯氏書懷韻

昨過亡女初度日坐見春物芬榮感物悼逝吟

成一律

南判書二星挽

陪伯氏仲氏會青嵐臺次成琬韻

敬步仲氏韻贈別成琬日本之行

又贈成琬

玉流洞邀成琬話別次韻書贈

別柳有道之永州

長陵奉審路上漫吟錄奉宗伯南雲卿

疊前韻更示宗伯二首

敬次伯氏雨中感懷之作

別潭陽洪使君得禹

青平尉挽二首

伯氏赴清風病不獲追送江上謹依王考寄別

從祖都正公赴洪陽詩韻錄呈

仁興君夫人挽

李三宰弘淵挽

次洪伯涵賀班志喜韻

追奉尤翁行軒

東門送立兒即遠

明聖王后挽詞五首

林僉知 一儒 夫人挽

金上舍聖臣挽

曹進士杭挽

過文谷李秀才相衡草堂用家兄韻書贈

李判書 翻 夫人挽

贈別南右相 九萬 赴燕

題扇別玄若昊

李健命妻挽 二首

尤翁過宿典農追感往事見諭賦此以呈

玉流洞守歲

玉流洞春帖

梅礪翁冠季子酒後有詩輒步其韻

用仲氏韻與皓上人

鄭台一挽

清城府院君遷葬挽 二首

秋夜感懷錄呈伯氏

坡山途中遇申都尉靈車感懷有作

重宿興教寺贈守天上人

冒雨暮發 厚陵夜深始到臨湍

登花石亭有懷栗谷先生

永安尉遷葬挽

夜坐志感

貞明公主挽 四首

金判書 佐明 遷葬挽

聽松先生迎謚宴席上略綴一律奉示諸公

又用壺谷韻

文谷集卷之五

詩一百五十六首

元朝志感 已未

南梅北雪送生涯燕國詩中感歲華急景轉頭真似  
夢羈蹤著處即為家樽空柏葉那隨酒地僻椒盤未  
頌花尚喜從今陽德布澗邊幽草動新芽

次朴徵之元朝見寄韻

暮景飛騰速他鄉又一春形骸驚換舊學業愧知新  
宇宙難容跡風霜易損神平生空壯志忽復過中身  
書扇贈閔鎮厚兄弟





悲歡各誦十年詩此地逢迎豈素期歸去鯉庭如有  
問萬山水雪臥茅茨

別徵弟入堤川

幾載重相見茲行又遠違家貧無舊業世亂足危機  
絕峽孤舟泝他鄉十口依遙知北津路往事獨沾衣

哭姊兄李延安

挺岳

去年二之日我姊辭中饋今年大泣月又哭吾兄逝  
前悲未云弭新慟方隨起人事不可期誰能測天理  
憶公結髮初執鴈來我門清揚潔白哲瑩潤而蘭薰  
婉婉我伯姊幽閒稱美匹倚梧鳳雙飛和鳴如琴瑟

綢繆二姓親瓜葛相結連我生未再晬匍匐襁褓間  
能言解喚兄學步坐兄膝孰云異天屬憐愛無厭歇  
自我失慈覆恃姊如恃母感公弟畜恩終始勤且厚  
祗今懷徃事四紀一反手盛年安可常少者亦皓首  
中間幾合散憂樂閱百變嗟公青雲器陸沈困州縣  
翰音我實愧冥升躡高衢祿命懸蒼天素心貴不渝  
日余觸駭機服袂奔炎蠻依依廣津別草草洲渚言  
一去各參辰荏苒三改燧信音濶弦朔思想積夢寐  
楚瓊未見歸魯拱遽尚右存亡永乖離酸痛貫腸肚  
我行忽東徙新阡在所歷公來挈諸甥迎我挺隧側

相持但號咷零淚共雨面踟躕不忍辭舉日渾無見  
抱茲滿腔悲氣結莫能展感迫念嚴程牽挽惜日短  
獨投荒峽居回望愴分飛別來再得書眷眷書中辭  
云有貊城行中冬以爲期經塗佇一訪計日頻僂指  
俄然凶問到掃門竟誰埃子荆服未除奉倩神已傷  
如何岱宗遊不復戀高堂高堂西日迫林鳥夜啼血  
子子欒棘哀雙瞻靈几設路人尚吞聲况乃親愛情  
親愛自此絕宿昔隔幽明一哀無處洩我身類拘囚  
惜哉淳淑姿不得揚王庭六旬豈曰夭在公不爲羸  
分明歲寒心末路知者稀高情彭澤賦晚計鹿門棲

幽期雖未諧生死無愧怍煌煌三百芾何用羨其服  
逝者真可樂處世孤且危以此送公歸聊足慰吾悲  
此生知己矣且復期他生公歸告我姊庶以不永傷

復用涯字韻寄朴徵之

明時禦魅足吾涯歷盡危途兩鬢華歸夢已迷京國  
路羈棲聊寄野人家荒郊日落烟沈樹古峽春寒雪  
作花符得陽坡風色暖共君攜酒煮青芽

訪朴徵之泉谷新居

病起開蓬戶幽尋到草堂溪深初漲雪林暖乍浮陽  
臘酒山杯灑春羹野菜香從今來往熟佳約在濠梁

有觀魚之約故及之

宋司諫奎濂母夫人挽

雷澤觀歸妹朱陳忝結姻賓筵曾截髮婦總遠笄榛  
竹塢清堂月沙阡宰樹春天涯懷往事薤挽獨傷神  
南生有昌千里重繭來過東州之纍居感佩高  
誼不但聞楚之喜臨別用詩山使君韻略申此  
懷

每憶披香會新篇和醉吟誰知晚溪客遠訪寶山陰  
別路遙連海春華欲滿林丁寧白雲約莫負歲寒心  
三月晦日有感次唐詩韓致堯韻

荆門晝掩到黃昏寂寞閒庭過雨痕古郭飛花空委  
地前溪垂柳欲藏村三春轉眄渾如夢萬事無言只  
斷魂東望白雲山色近十年歸夢繞田園

朗州李生松齊來訪臨別書贈以謝其勤

竹村分袂夢依然誰料相尋到鐵圓今夜與君同見  
月却疑身在月山前鐵原舊號鐵圓是日適值中秋月

憶朗州八絕寄鳩林諸君

水合住龍渡山分駕鶴嶺就中有別區西湖開萬頃  
其二

觀瀾竹島秋邀月鳩林夕應憐國師巖留著騷人跡

觀瀾邀月皆亭名  
國師巖在鳩林

其三

何處最相思江潭芳杜若遙知鼓枻人尚記行吟客

其四

安用堂中老平生義薄雲居然湖海氣埋却廣陵墳

其五

招提道岬勝巖瀑北池幽最憶水南寺題詩山翠樓

其六

九井峰前路筠輿踏雪行孤山難再到清磬夢中聲

其七

橘樹霜前實梅梢雪裏花清香應不改誰復寄天涯

其八

玉鱠松江味絲蓴千里羨雖然餐北麪猶自憶南京

次協兒營屋白雲之作

數畝釣臺西曾經峒老棲宅幽盤谷阻路轉武陵迷  
小築還新屋寒流尚舊溪應須舉家隱不愧鹿門攜

其二

結得茅茨迴殘年不願餘雲嵐通几席巖壑當階除  
林密眠分鹿溪清坐數魚何嫌少隣並自喜俗緣疎

收蕎麥

山田蕎麥帶霜收嘉實離離欲滿篝從此閉門餐餽  
餽范翁何恨永州留范忠宣謫永州寄人書云此中  
羊麪無異北方閉門餐餽餽不

知身之  
在遠

秋夜有懷

蘭臯秋色歇芳菲幾處江潭客未歸蠻海極天消息  
斷夢隨征鴻向南飛

其二

臨水登山有所思楚雲湘浦渺天涯誰知宋玉悲秋  
恨不為嚴霜草木衰

朴徵之見示重陽之作次韻却寄

佳節無心戀物華寂寥孤枕困沈疴茅柴誰送墻頭  
酒叢菊重看峽裏花老去歡情隨日減秋來旅鬢得  
霜多窮途趣味何須說萬事如今揔可嗟

攜兒輩觀瀑三釜淵仍遊太華山有作

造化竒功未易論冥觀斗覺爽心魂香爐瀑壯垂三  
石箭括峰危拆一門幽澗有聲多曲折亂藤無徑苦  
攀援龍公解送催詩雨洗出蒼厓萬古痕是日  
雷雨

次翁兒遊太華諸作韻

六兒隨後一翁先齊度山門千丈淵始識桃源藏福  
地却從蘿外到諸天溪頭倚樹頻移杖石上傳杯不

用筵來往自今幽興熟葛巾芒屨送殘年

右陪遊韻

陰陰神物幾年盤自作幽潭受峻湍一道白波飛雪  
色四時青壁積風寒前臨斷岸宜遙對側近層巔怯  
倒看每說朴淵天下壯茲遊未必讓奇觀

右觀瀑韻

千巖萬壑繞西東別有蓮峰竦處崇但逐清溪穿谷  
口忽看精舍在丘中雲間雞犬村非遠日暮漁樵路  
自通分占華山吾與爾不應長羨鹿門翁

右新構韻

三釜淵西邊有斷阜正與瀑布相對歸時少坐  
尤覺所見勝絕因命名曰香爐臺次翁兒韻

灑射寒空激素波遊人忙憂石潭過還從華岳高尋  
地却望廬山倒挂河皓色雙厓舞振鷺雄聲數里殷  
鳴鼉名區自昔須題品更覺西臺發興多

在昔辛未年間先王考以大宗伯祗役北關路  
過豐田驛聞三釜落水窮處有村可避地路險  
不得到悵然賦詩以寄興余少讀王考詩恨無  
由一探其勝未嘗不夢想之也今適纍居東州  
所謂三釜落卽其境也翁兒嘗往尋樂其幽邃

遂結茅爲棲息之所余亦得以往來遊賞事若  
有不偶然者撫境興感自不能已茲用王考詩  
韻書示翁兒

峽東疑無路溪窮忽有村人間隔風日壺裏秘乾坤  
吾祖遺篇在茲山夙尚存今看一茅屋喜爾卜真源

李彝仲歷鶴浦楓嶽來過口號書贈

落日仙巖驛路分誰言東峽更逢君從今後會知何  
地杖履青溪近白雲

青溪山各在永平去白雲相近彝仲有卜築之計故及之

金德山德耆來訪見示金時傑歸湖庄時贈別  
之作次其韻兼謝遠枉之勤

吾門和樂本敦宗星散年來舊里空已恨萍蹤俱失  
所更驚蓬鬢各成翁棲遑愧我猶窮轍繾綣看君獨  
厚風東峽雪中相訪地歲寒心事有誰同

次德耆留贈韻略申別意

相逢邂逅卽相離後會從今復幾時送罷柴門依舊  
掩獨攜山月步前墀

夜坐書懷次翁兒宿禪房韻

暗燈挑盡睡和衣窗外疎疎霰雪飛心定家鄉迴夢  
斷地偏門巷到人稀蟲依破壁同寒蟄犬吠前村認  
夜歸羣動寂寥存一氣靜中聊復驗天機

安邊府伯申寅伯最過訪索別語口占書贈  
雨雪徒然詠北風臨歧攜手思何窮熊幡鵬舍俱身  
外莫把行藏較異同

其二

龍堂官樹綠烟絲每憶蘭舟繫纜時君去此中應感

舊女郎猶唱柳梢詞龍堂在安邊南川李長卿莅府時余適奉使同舟遊此作柳梢

青小令相和追感及之

陪伯氏仲氏遊太華宿僧院口占書懷

人間聚散任徒然誰似山中樂事偏聯袂最宜幽澗  
步對床還共上方眠歸期久負蘇家雨別夢曾驚郢

樹烟是處雲林堪送老向來何苦困塵緣

敬次仲氏遊太華書示翁兒之韻

三淵興不盡百折上危巔怒瀑能穿石攢峰欲到天  
閒尋猿鳥社共和鶴鴿篇一聽禪房磬幽懷更爽然

次翁兒前日遊太華示兄弟之作

幾歲參辰怨異方今宵風雨幸同堂相將杖履巖溪  
畔更著冠童子姓行且學淮王為豆腐真成季路供  
山梁何煩飲酒陳籩豆一詠聊堪共一觴是日觀鷹獵且設豆

腐故頸聯及之

追次俞伯圭前日寄贈韻却寄



世事看來幾變遷浮雲爲狗陸成淵南荒旅泊三危  
遠東峽嚴程萬嶺穿一任桃花開舊觀更無仙夢到  
勻天窮途尚喜交情在每讀君詩思豁然

伯氏旣棲遯壽春之谷雲而仲氏方營菟裘於  
嘉陵江上余之小築在洞陰白雲山下翁兒又  
結廬東州之太華山自太華至白雲三十里自  
白雲至谷雲四十餘里自谷雲至嘉陵亦不滿  
百里四處相去雖遠近差殊其間各限以一帶  
山山本一脉非異區也一家所依歸皆密邇如  
此可謂幸矣聊賦一律以識之仍呈伯氏仲氏

且示兒輩

誰遣山靈用意勤安排福地待平分嘉陵北峽通青  
玉太華南峰接白雲不羨仙侯攜斧子都輸句曲屬  
茅君全家道氣真堪詫十乘朱輪未足羣

長史穆與其幼子玉斧入華陽洞俱得道爲左卿仙  
侯秦茅盈三兄弟入句曲山各占一峯後皆昇仙因  
號爲三茅峯云

追酬俞伯圭丁巳秋見寄之作

長樂疎鐘夢裏聲五年湘浦隔秦城村婆且喜論疇  
昔瀧吏多慚問姓名禍福未須占賈傅升沈何用問  
君平詩成寄謝秋潭老歲晚相期共此情

秋潭俞公號

其二

閱歷危途五十秋任他呼馬與呼牛雲衢驥首皆新  
貴嶺海分飛半舊遊靜學堯夫常閉口閒同杲老但  
梳頭憑君莫詫溪山勝爭似東州一室幽

東州夜坐感舊書懷錄寄青平沈都尉

雪屋寒燈耿不眠向來陳跡夢依然新詩禁籟開樽  
夜喜氣溫泉扈 駕年淚盡喬山埋玉匣眼看滄海  
變桑田多情獨有秦樓月分照東州旅枕邊

往在甲辰歲余被譴出城寄寓廣陵之屯湖無  
何洪公頻垂存訊且以新釀桃花酒分餉風味

絕佳俛仰存沒忽已十數年矣今於纍遷之中  
追感舊事尤不堪愴恨吟成一絕寄示洪伯涵

萬容 昆季

秦樓當日念漳濱遠寄桃花麴米春流落只今親愛  
絕楚江誰記獨醒人

敬次仲氏寄示韻

鐵峽凜風凍殺人朝來窮巷雪堆銀極知黍谷難回  
暖誰道葭灰已近春簷日負綿恩亦足硯冰呵筆句  
還新餘生倘見三陽泰不厭寒樓寂寞濱

右歲暮志感韻

已將窮鬼伍休恠遠人羣厨冷無魚婢樽空失麴君  
寒灰田甲溺今雨杜陵云不復笋穿石從他衣化雲

右戲詠世情韻

偶檢散帙得丙申年間在銀臺與禁直諸公酬  
唱詩什我仲氏與俞伯圭所作亦在其中而李

心甫

萬雄

已作古人矣披詠感懷輒次其韻錄

呈仲氏且寄俞令

荒山積雪臥僑廬獨夜幽懷鬱未舒宿草纍纍新鬼  
化晨星落落故交疎塵埋破篋詩猶在夢斷仙臺歲  
幾除最憶楊江鷗鷺約水亭明月自盈虛

心甫卜築在楊根江

上亭名綵水鷗鷺約卽其詩中語

其二

百年天地卽籟廬身似閒雲任卷舒寵辱過來心自  
靜悲歡閱盡鬢全疎橋陵拱木瞻金粟湘水青楓  
限玉除默筭平生還一嘅堂堂壯志墮空虛

又閱銀臺直廬與伯圭聯句酬唱之作追感次  
韻却寄

六仙樓畔敞文窗每憶青綾伴夜缸齊捧天書濡赤  
管共霑宮醞瀉銀缸一時鷄列人餘幾廿載烏號淚  
下雙獨有潭翁同此感漳濱蕭瑟近湘江

次朴微之見寄韻謝寄鷓鴣

居無常處任西東正似遷人寄峽中忽見庭懸隨尺

素不須黃耳繫書筒

古語云鷓鴣鳥居無常處朴詩有孤翼遞詩筒之語故落句及之

重檢舊詩藁得心甫幼能二友酬唱之什不堪

存歿之感追步其韻錄呈仲氏仍寄俞伯圭仲

氏與俞令亦於其時在禁直同有所和想同此

感也

悵望涼風雨雪霏朋遊已覺眼中稀君為天上歲星

返我似洞庭秋葉飛亂竹蕭條求仲徑殘荷冷落楚

臣衣如何惠好同車約白首思歸未得歸

曾與心甫有同歸之

約故云

右屬心甫

佳言如屑想餘霏一別清標入夢稀宇宙空傳雙鳥

響風雲不盡大鵬飛幽吟錦里詩留篋長笛山陽淚

滿衣牢落暮途悲獨立九原難作與誰歸

右屬幼能

浮世光陰瞥眼過却尋詩卷淚橫斜猶思夜醉蓬山

酒無復春吟玉署花芝洞烟霞空蕙帳夢灘風月屬

漁家丘原一隔知音少手撫牙絃只獨嗟

芝洞幼能所卜築夢

難心甫舊居

右并悼二友

魑魅天南喜客過長沙寒日幾回斜身同華表歸來  
鶴眼看玄都去後花古峽茅茨依驛店夜窗燈火乞  
隣家紛紛得喪皆虛幻不向窮途漫怨嗟

右自詠

感懷七首用中夜悲歌泣孝宗分韻

粼粼半壁水肅肅素王宮 大人方利見風雲動昭  
融何意龍門魚變化一日中香案撤金蓮分光燭微  
躬遭逢自茲始報答愧無終

其二

自惟管蒯質陶甄荷造化短材忝拂拭狂言幸寬假  
密邇經帷侍優游道山暇珍柑羅帕傳仙醞銀罌下  
恩光一春夢淚盡湘潭夜

其三

銀臺雨露邊出入最恩私咫尺 威顏近從容退食  
遲 園陵扈蹕日寢殿慮囚時誰言憑几遽未及攀  
髯隨篋中舊賜貂摩挲有餘悲

其四

殷憂以啓聖險阻嘗已多何曾忘在莒宵旰枕干戈  
終悲永安詔未續江漢歌堂堂鐵柱杖大義共不磨

祇今薜蘿士拔血望關河

其五

巍然舜禹後道心復允執昔講夜氣章諄諄克治法  
俯納元朝疏抑抑期九十雖乏格王姿佇見興邦業  
嗚呼大道否獨抱遺編泣

其六

齊襄九世讐越國十年教經營與神謀強弱未暇較  
豈無同德臣奔奏各自效萬事遽墮空徒然何廟  
貌千秋編簡上並美淳熙孝

其七

君臣千一會我生幸親逢物色遍釣築風期感雲龍  
密勿心膂託幄對或囊封如何命九官今日同四凶  
悵望黃金臺此道誰復宗

十二月二十二日夜夢侍

孝廟前席宛如夙

昔覺來悲咽難勝用丙辰冬記夢韻口占書感  
空山雪月欲殘更誰識孤臣拱極誠猶喜夢中多好  
事不知天上隔前生 溫音藹藹絲綸布華袞煌煌

繪繡明驚起曉窻身獨臥一燈相對泣無聲

文山燕  
獄詩云

夢中好事多東坡表云瞻  
玉堂於天上若隔前生

敬次伯氏寄示之作

青山一帶接烟嵐山北山南面勢參驃騎未須爭第  
五若邪聊復繼高三風泉亦入墳笮和霞石同輪杖  
屢探清福極知天餉厚世間榮落且休談

弟三人隱若邪山  
世稱何氏三高

原韻

塵根蟬蛻臥青嵐風珮超然相對叅靜處開懷兒  
子輩窮途知己弟兄三誰言福慧難雙入且喜烟  
霞得盡探物外鶴原同會樂何如徒就德公談

所居有青嵐山風珮即永  
平而超然臺在嘉陵江上

除夜感懷

今夕心不夷孤坐申慨慷慷慨亦何事追此歲序更  
志士惜暮景况乃客異方迢迢東山雲飄絕限明光  
明光悵何許河漢當層城起視河漢斜斗柄忽低昂  
感彼太乙居中天獨煌煌不言下土遙高高猶可望

其二

我志日已頹我年日已馳無聞既云耻善化安可希  
不惜朱顏改但恐素業虧人生非靈芝長嘆三秀詩  
瑤琴空在匣歲晚知音稀綿綿我所思大海以間之  
沈吟掩陳編有懷當告誰唯有一寸心萬里猶隣比  
敬次仲氏除夕追步丙申銀臺守歲韻寄示之

作

銀臺殘臘聽嚴更秉燭開樽弟伴兄世事去來今似  
夢年光二十四回驚秦京路隔新春信姜被寒侵獨  
夜情縱有椒盤誰復頌旅窗愁坐不勝清

其二

金門聯步際昌辰暮景同為失路人鏡裏鬢毛渾似  
雪篋中詩卷暗生塵參商落落分離苦歲月駸駸感  
慨新消長默觀元一理滿山水雪自回春

次協兒遊太華韻

休嫌幽賞屬玄冬露出清竒面面峰瀑靜層冰封斷

石林疎飛雪落長松寒溪正引山陰興絕壑還追南  
嶽蹤待得桃花春水漲匡廬喚起起亭龍

春帖

庚申

四境邊無警三農穀有秋嵩高萬歲壽周室百男休

其二

冰隨萬理釋春與四端萌德慧窮逾進神精老更明

其三

雪消三釜瀑花暖白雲山天放殘生在身專一壑閒

其四

子女齊扶膝孫曾倦點頭詩書傳世業福祿荷天庥



僉知兄 壽昌 久病新愈有詩見寄次韻兼申賀意

歷遍危途齒髮疎眼中人事轉紛如西江波浪何時靜東峽冰霜昨夜除往跡淒涼頻掩淚離愁悵望獨傳書春來岳麓饒歸夢最憶前溪柳彈初

其二

楓溪柯葉日蕭疎獨有吾兄曾殿如海屋方看遐筭益河魚更喜舊病除行拋鳩杖能飛步字作蠅頭尚細書少弟江潭成白首新詩遙賀一年初

敬次王考三釜瀑韻

昔誦先祖詩夢想費攀陟幸茲羣龍猱得以娛心目一水劈山來盤回知幾曲奔湍激相逐中作萬霹靂潭形巧成釜壁面高削玉沈沈神龍宅下臨無底黑飄風散餘沫晴晝飛細霖竒功認巨靈舊蹤訪老釋未覺幽趣闌翻愁短景促興來即獨往何煩申後約  
次俞伯圭新年送賀之作

其二

末路看交態紛紛手覆翻故人存意氣新歲問寒暄膝下豐盈子詩中款曲言端能慰幽寂喜色動柴門  
高才慚賈誼疏節類虞翻世味吹蓬冷愚忠獻背暄

新詩君善禱萬事我忘言敢望趨宣室猶欣脫鬼門

次僉知兄寄示韻

百歲今餘幾浮生閱萬緣經行皆險路親愛半新阡  
彭澤悲榮木平原歎逝川如何別懷惡偏覺在中年  
病中有懷寄呈僉知兄

參商已作六年離後會悠悠未有期康樂幾回青草  
夢漫郎長憶紫芝眉春深鐵峽山圍屋雨過楓溪水  
入池兩地無緣同勝賞只將懷抱寄新詩

芝即其族兄也

元次山自號漫郎紫

趙內乘 泰相 挽

觀津名閣有賢孫選進元非只為恩奉引常騎天廐  
馬謙恭肯倚濯龍門才須緩急身先病功在幾微口  
不言可惜青春輸一夢將壇麟閣付誰尊

趙校理 根 挽

析楊雖酷尚生全二豎胡然促百年信覺存亡關大  
運誰將禍福問皇天空聞丹旒霑新渥無復青蒲侍  
舊筵萬死歸來違一面只今悲恨結重泉

洪監司 柱三 挽

間澗無端閱幾年斯人斯疾奈皇天朋情愧負西河  
哭國語行看左氏編已惜雲衢淹逸足可堪風韻闕

重泉通家往事渾如夢淚灑秋江上瀨船

姜判書 栢年挽

瘦鶴形模苦癖心遐齡峻秩世爭欽清詞篋有虹光  
玉素節門無暮夜金文苑主盟孤宿望 聖朝追獎  
仰綸音銀臺接席渾如夢往跡那堪畫裏尋

趙判書 珩遷葬挽

心期少小驗堅貞風度雍容卽老成身歷 四朝全  
福祿位登孤棘列耆英中宵共惜舟移壑白日重看  
馬發塋不見清時終古恨誰從執法報昇平

其二

湘潭遷客復簪紳聽履星辰欠一人夢裏精神餘落  
月篋間書札已生塵山回豐壤莢裘廢江濶中原馬  
鬣新年少下僚今白髮銀臺陳跡獨沾巾

仁敬王后挽詞 辛酉

國賴坤儀正家承世澤休徽音周太妣顯號漢長秋  
德盛膺天祐憂深贊 聖猷如何黃道泰遽促白雲  
遊

其二

兩殿分移日那知是永違猶聞憂 聖主不復侍  
慈闈半夜傳哀訃中官復稅衣康衢望哭地唯有涕

文谷集

交揮

其三

孰謂多男祝翻成喪妣哀朝雞空月出襟燕自春迴  
象服陳如在粧奩掩不闌城西十里路慟結望陵臺

其四

祖載宮庭出真遊天路遐淒涼百子殿寂寞六駟車  
女史藏彤管都人戴白花空留樛木詠遺化在周家

閔鎮厚妻挽

平生靜觀子交誼視伯仲婉孌床前女曾見瓦載弄  
自從斷牙絃觸事腸肚痛每憐諸稚孤伶俦因飢凍

尚喜配佳耦椅桐飛雙鳳高門得所歸琴瑟情好重  
敬恭馨悅戒辛勤滌滄供佇看福履綏令德洽家衆  
纒纏隕珠哀奄微炊白夢脩短理蒼皇天高誰得訟  
粧奩任零落篋實付齋送呱呱襁裏兒豈曰有遺種  
缺月照虛帷中宵素車動萬事摠悲酸忍淚眼已曹  
爵彼維揚阡幸近靈芝洞泉壤亦可樂追隨父子共  
大勝文谷翁獨抱鍾情慟

利川池閣漫吟

池面風微柳影重客來憑檻乍開胸層軒六月清無  
暑更喜前山是雪峰

邑前有  
雪峯山

文谷集

卷五

詩

二十一

敬次伯氏記夢憶山之韻

心跡平生一布衣  
峽居曾約弟兄依  
如何又被塵緣誤  
夢入雲山覺却非

夢中第以布衣來會云故首句及之

別族姪盛達之鎮安

水咽風溪夜山荒  
雲洞秋天涯送爾去  
非獨別離愁

尹靈山 以明挽

一門三節振家聲  
王屋猶能世廣平  
西郭素車江外去  
白頭哀挽泣同庚

朗原君夫人遷葬挽

朱邸曾聞百兩迎  
清江遺範擅家聲  
星沈寶婺悲華

屋水齧前和改舊  
瑩鸞誥疏榮尊命婦  
蚌珠聯彩照宗英  
條桑采藻平生事  
公子春來倍愴情

無何洪公迎謚  
宴席上口占示諸公  
求和 壬戌

鳳去丹青已渺然  
人間名蹟太常傳  
光生紫誥天郎捧  
香泥黃封近侍宣  
陰洞珮聲還此會  
西園物色似當年  
仙簫尚作秦樓曲  
舊客聞來愴獨偏

醮季子有感錄寄彝仲大學士

君家季女我家兒  
姻好兼將世好宜  
共喜從今婚嫁畢  
名山擬結尚禽期

敬次伯氏書懷下示韻

花落虛簷乳燕飛小園春色雨霏霏佳辰獨抱悲涼恨老淚尋常自濕衣

昨過亡女初度日坐見春物芬榮感物悼逝益復難遣吟成一律伏想伯氏亦同此懷敢此錄呈

陳菱枯卉摠回春萬品欣欣生意新獨恨泉臺難復作孰云天地本同仁音容想像何由接魂夢追尋亦未真時物自佳心似割落花啼鳥助悲辛

南判書二星挽

銓席周旋託契深歲寒冰玉尚初心嚴程鴻燕分南

北平陸滄桑閱古今八座聲名纔聽履百年存沒獨沾襟那堪阮宅經過地寂寞風流舊竹林

陪伯氏仲氏會青嵐臺次成琬韻

春花飛盡綠成林坐愛巖臺十畝陰天外碧峰華岳聳柳邊幽洞白雲深筇音孰繼思翁句松籟猶懷聽老心暇日逢迎真邂逅不妨相和短長吟

敬步仲氏韻贈別成琬日本之行

赤岸銀河上下通仙槎此去泛虛空天遙故國猶瞻斗海濶孤帆但信風紫氣戒途清水恠驪珠落筆聳蠻童吾人井觀真堪笑未識東韓更有東

又贈成琬

誰把瀛洲付漫談風帆一瞥遍東南雄吞雲夢胸中  
九歷略神山海上三暘谷五更先白日板城千樹盡  
黃柑平生得力龍門史不羨江淮禹穴探

玉流洞邀成琬話別次其韻書贈

藉草松陰不用筵清樽倒盡聽流泉幽期暫就依山  
屋別意先愁過海船北岳烟霞閒自在東瀛波浪渺  
無邊唯應兩地相思夜萬里同看片月懸

別柳有道

命才之永州

晨星逝水兩堪悲轉眄人間共白髭衰境可能輕遠

別舊交方覺勝新知憐君又屈棲鸞棘愧我猶蹲老  
鳳池肝膽不將山海隔一天明月照相思

長陵奉審路上漫吟錄奉宗伯南雲卿

喬陵祗役幸同時官路聯翩並馬隨老去朋情偏戀  
舊病餘王事敢辭疲山橋野店牽幽興錦石秋花入  
小詩相對便生遲暮感故園松菊負歸期

疊前韻更示宗伯

芹宮唱第九秋時丹桂仙袍輦後隨當日龍光填道  
聳至今蚊力負山疲行經羽衛朝陵路泣和儀曹  
感舊詩唯有百年圖報願與君相勉共心期

其二

尚記飄零嶺海時誰言鶴列更相隨歸田晚計思徒  
熟供世殘骸覺已疲青眼故人三日會碧蹄孤館一  
聯詩城塵飽閱終年苦須識茲行是好期

敬次伯氏雨中感懷寄示之作

癸亥

朝來風雨動微寒退食空齋坐獨閒萬樹殘花春已  
盡一身千恨鬢全斑愁邊轉覺年華促老去偏知世  
路艱唯有故山長繫念洞陰松月夢魂間

別潭陽洪使君

得禹

放逐南荒爾我同一麾今羨勝三公遙知鈴閣閒無

事秋月山光落座中

青平尉挽

相國庭蘭秀先朝禁巒珍綺紈無習氣冰玉自精  
神子敬元工筆真長更好賓風流一朝盡誰復問蒼  
旻

其二

宿昔西園醉留連至日曛仙樓空落月陳跡已浮雲  
七字茅亭詠千秋墓道文唯應季子劍終不負徐君  
伯氏將赴清風自東湖乘舟泝流弟適臥病不  
獲追送於江上尤不堪悵黯之懷謹依先王考



集中寄別從祖都正公赴洪陽詩韻賦得一絕

錄呈

悵望秋江泝峽船片帆今夜宿何邊蕭條岳麓衡門  
掩病裏離懷獨黯然

仁興君夫人挽

沁園餘慶復梁園象飾魚軒命婦尊詩詠鵲巢將百  
兩禮成蠶室佐三盆聯翩彩服通天帶爛熳華筵上  
壽樽神劍向來休恨隔洞陰松柏即同原

李三宰弘淵挽

論囚前席日傷足下堂時愍老承天語馳醫軫

聖慈誰言聽履地永隔拜恩期耆舊今餘幾偏深殄  
瘁悲

次洪侍郎伯涵賀班志喜之韻

宗國憂危自此除歲回仁祖中興初無煩周冊三  
壇禱復見堯眉八彩舒恩洽邇遐黎庶抃慶超今古  
史臣書翻思侍藥焦腸日喜極徒然淚濕裾

追奉尤翁行軒

前席丁寧奉玉音老臣行止繫宸心天公亦解  
留高駕一夜城東積雪深是日大雪

次韻

尤齋

岸幘溫宮賜德音鬼神應識小臣心出門怵惕揮  
雙涕方寸憂虞漢水深

東門送立兒即遠歸而志哀追寄壙中 甲子

兒今生最季屬我向衰時鞠汝過成童我年已近耆  
常恐餘日短不及食汝養我存汝先歿何曾此夢想  
汝才足一世汝志邁千古天闕豈汝命奇禍坐其父  
此理儘難窮此恨欲誰訴平生慈愛情不忍違跬步  
奈何轉眄間棄絕同行路哀哀青門別流淚向東注  
寂寞羸博士三匝號為誰新岡近先壠魂鬼幸有依  
我生諒無幾朝暮以為期九原即真宅與汝長相隨

兒乎少遲我且勿傷暫離

明聖王后挽詞

任姒興周室吾邦復 聖妃坤元資品物王化始宮  
闈南國蘋蘩菜東京練帛衣千秋 顯宗廟典冊配  
芳徽

其二

主聖知胎教時危仰母臨補天成五色扶日出重陰  
擁佑終誰力憂勞獨此心試看揚末命窮谷泣黎黔

其三

聖體新瘳日 慈顏一笑開焦憂幾年積歡慶數旬

纔露禱還成疾星軒遽報災方期奉卮壽忍覩泣奩  
哀

其四

侍藥蒼黃夜 東朝候寢門功微內府劑心折女醫  
言保護誠徒切攀號淚已翻春來社日飯無復舊霑  
恩

其五

鼎水龍飛遠湘江竹淚滋猶瞻武帳座少慰帝鄉思  
十載哀仍荐孤臣死獨遲那堪 舊陵路慟哭送窆  
儀

林僉知 一儒 夫人挽

謝家諸子揔彬彬詠絮竒才見婦人文駟幾隨之郡  
日膽丸猶記訓兒辰西湖月照新歸櫬南國春回舊  
採蘋中表慣知閨則懿薤歌千里倍傷神

金上舍聖臣挽

凌雲詞賦壓儕儔每恨周庠讓一頭誰道地中埋玉  
樹會須天上記瓊樓心同寸草隨春謝淚著衰麻帶  
血留塘老德門還酷禍向來神理問無由

曹進士杭挽

月嶽過逢慣星山夢想頻窮途慚繾綣空谷惜沈淪

往跡渾如幻凶音豈是真來書猶在篋淚盡驛梅春

過文谷李秀才相衡草堂用家兄留題韻書贈

文谷元吾號幽盟託已深今看結茅地便起出塵心  
箕水通池滿荷香入座侵春來武陵路花發可重尋

李判書翻夫人挽

名家懿範冠閨闈福履光榮一代稀恩誥早膺新象  
軸女工猶飭舊鴛機猿腸遽斷珠辭掌鸞影俄分鏡  
掩輝最是尚書無限慟謝庭孫篔簹兩成非

贈別南右相九萬赴燕

終古哀傷弱國臣只今人事更堪陳金繒盡入盧山

壑冠蓋還為毳幕賓榆塞朔風吹瘦馬玉河明月鎖  
重闈知公素位唯忠信不用臨歧漫苦辛

題扇別玄若昊

西湖十里竹圍村最憶君家近水軒疇昔勝遊那復  
得白頭今作斷腸猿

李健命妻挽

翁舅皆吾友深知婦德佳衿鞶存敬戒琴瑟見和諧  
乍喜珠胎剖翻驚玉質埋天寒孫子篔簹淒斷若為懷

其二

天壽天難問存亡夢幾回居然兩家禍惹起十年哀

撫跡同泡幻關情只女孩相隨父子樂還復羨泉臺  
已丑冬先王父在 朝適值北使入城出寓典  
農村舍留十餘日不肖侍側尤翁與滄洲金尚  
書蓋熙嘗來拜從容而歸今尤翁自鄉來時過  
宿典農追感往事見諭故不堪愴懷賦此以呈  
寒烟古木籍田村陳跡依然入淚痕三十六年高駕  
過感懷應復似西門

次韻

尤齋

何年杖屨寄荒村野雪蒼茫月一痕當日床前籌  
策在精神都入薊城門

玉流洞守歲

山齋誰為頌椒盤獨伴孤燈坐夜闌衰鬢剩添千丈  
白苦懷難得一分歡前期屈指身餘幾往事回頭夢  
已殘櫪馬林鴉那入詠曉窗空對雪峰寒

玉流洞春帖

乙丑

雪盡溪流漲春回岳色新幽人無別事花鳥入經綸

梅磻翁

李公翊相

冠季子邀諸友作會酒後有

詩是歲即翁周甲也輒步其韻以識盛事兼申  
賀意

北麓東村各一邊吾人同病最相憐蘭芽正稱三加

服椿筭初回六甲年勝日烟花迷礪道清時冠冕盛  
賓筵浮生此會知難得莫厭金杯細細傳

楚山皓上人屢踵門求詩而苦被擾攘未副也  
今日又來督之亡兒祥菴適在明此非吟詠之  
日而慟毒之中有感輪迴之說用仲氏所題韻  
走草以與之

果使三生有去來探環能復驗輪迴人間最有鍾情  
慟却羨禪家萬念灰

鄭台一挽

西園半樹老梧桐露濕春蘭獨一叢猶喜鳳毛能趾

美竹看鵬翼會搏風神方無賴膏肓痼短造都輪夢  
幻空貴主慈仁丞相澤只今誰復質蒼穹

清城府院君 金公錫曾 遷葬挽

滔滔江漢日東流宿草荒原度一秋鼎席周旋還舊  
跡堂封帳望又新丘虛疑赤烏朝天返永送丹旌入  
地幽最是角巾亭下路靈車空載五湖舟

其二

龍亡虎逝至今驚霖雨丹青軫 聖情均賦永留三  
世惠築壇曾馭四營兵危途自覺孤蹤礙大厦誰將  
隻手擎滿目秋風憂國淚此心應不問幽明

秋夜感懷錄呈伯氏

霜風浙浙韻庭梧臥病偏傷清夜徂浮世光陰催短  
夢暮年人事足長吁巴猿失子腸全斷峽鴈分行影  
更孤遙想凝清高閣月此時懷抱兩鄉俱

坡山途中遇樂全

東淮一號

申都尉靈車自廣陵移

窆臨湍感懷有作錄示同行趙宗伯公舉

師錫

宗伯即樂全公酷似也

風流氣槩樂全公瞻望高標記稚童忽見飛旌停旋  
館即知新壠改幽宮危途轉覺思先輩厚地何由起  
此翁淮上山川今寂寞白雲無主舊樓空

重宿興教寺感懷書贈守天上人

白蓮山月幾盈虧廿載重來閱舊詩形役莫嘆吾已  
老上人無事亦霜髭

冒雨暮發

厚陵行五十餘里夜深始到臨湍

寒雨濕征衣荒郊行旅稀孤烟巖際寺老樹水邊扉  
刈穫秋皆斂漁樵暮各歸還慚珂馬客夜裏叱駢駢

巖際寺一作巖寺隱水邊扉一作水村依

登花石亭有懷栗谷先生書示李君厚址

名園誰復數平泉自有斯文萬古傳看取當時真氣  
象滿江風月浩無邊

永安尉遷葬挽

秦樓陳跡幾回年夏簟春杯夢杳然長憶鳳簫歸上  
界又聞龍劍會新阡風流已覺成千古精爽何由起  
九泉獨有平生知己感空將幽誌地中傳

夜坐志感

寂寞松楸下空齋燭影孤秋雲翳山月夜雨響庭梧  
淚盡終天慕腸摧繞塚呼餘生增百感空憶舊歡娛

貞明公主挽

自是王姬貴天然女士姿掌珠 宣祖愛閨範 大  
妃遺玉几攀號日金墉侍護時西宮十年事心折豆

其詩

其二

國賴彞倫正星隨泰運回虞朝媯汭降漢室沁園開  
仙史吹簫匹天孫織錦才從知和順德自致吉祥來

其三

壽富多男子天家事絕無尊榮 五朝閱康健八旬  
踰令嗣齊龍榜諸孫盡鳳雛蒼蒼終有定福善理非  
誣

其四

人事終何憾殘生獨自傷髫年曾撫頂壽節幾稱觴



盛會渾如夢深恩可忍忘秦樓他夜月無復舊升堂

金判書

佐明 遷葬挽

陳跡人間一夢催瀟川松檟已堪材乾坤獨閱無窮事廊廟長懷不世才白日佳城開又閉清江素紼挽誰廻高門又見台階折前後均深歿瘁哀

聽松先生易簀之一百二十年而朝家始舉

節惠之典於是多士協謀營堂于舊址迎謚之日遂行禮于此實昭代之鉅典斯文之盛事也禮成設宴諸公卿咸會席上略綴一律奉示諸公要和

山頽幾愴士林情甲子人間恰再更堂闢廢墟仍舊額誥宣隆典易新名淵源正學千秋仰冠冕華筵一代傾未覺遺風今已遠滿溪松韻尚餘清

又用壺谷南尚書

龍翼韻

神棲儼設舊堂中紫誥新頒寵渥隆西洛草窩當日樂北山蘿幌幾年空銀鈎照壁流傳遠縫掖環階景慕同偏恨此身生苦晚永違函丈坐春風

文谷集卷之五

文谷集卷之六目錄

詩九十八首

青湖李判書夫人挽

玉洞新構清暉閣壺谷以一律寄題步韻申謝

次韻寄題壺谷日涉亭

金遠明有春塘感舊之作依韻寫懷

贈別道源出守鶴城二首

伯氏改築石室舊井有詩敬步其韻

太白山僧法性詩卷復次舊題韻

李承旨繪挽

衙罷歸路遇驟雨少憇凝香閣感懷口占

八月廿二即亡兒懸弧日也用老杜宗武生日

首句足成短律

玉流洞九月初七夜

感舊惜別錄贈關西吳按使

斗寅 六首

仲氏周甲壽席謹賦一律

敬次伯氏疊稀字韻詠懷之作

明安公主挽

朴寧越世樟挽

俞司議枋挽

任監司文仲挽

尤齋以朱子詩集中有判院宋村之語與其先

世官號村名相符首步原韻以表章之並徵

不佞續貂依韻效拙

八月十九日曉出城東口占

羨湖僑居次朴思菴韻

角巾亭感懷次壁上韻

驪陽喪車過前江口占志哀

一絲亭口占

成玟內室挽

張判書

善激

遷葬挽

協兒赴清風口占書贈

十首

敬次伯氏下示韻

十二月二十六日曉哭兒墓

敬次伯氏寄示韻

江風

二首

一絲亭會話

李右相

翻

挽

李判書葵仲挽

十首

鄭判府事

知和

挽

黃承旨

玘

挽

鄭公山

榮漢

內室挽

李進士

時興

挽

洪生德普挽

莊烈王后挽詞

二首

敬次先祖詩韻書贈道文上人

己巳二月二十五日到鳩林玄叅奉家阻雨仍

留口占示諸人

渡碧波津次陽明韻漫吟

次翁兒渡碧波韻

次翁兒北鴈韻 三首

次翁兒強寬韻

次翁兒踏青日韻

次翁兒春夜韻記夢

次翁兒春懷韻

次翁兒雨後韻

次翁兒歸僧韻

次翁兒清明韻

次翁兒寒食韻 二首

次翁兒夜坐韻

次翁兒曉吟韻

次翁兒雨中韻 二首

次翁兒霧後韻 二首

次翁兒北懷韻 四首

次翁兒晚望韻

聞後命

定諸孫名書示兒輩

次壺谷韻寄題八卦亭

高山一曲次朱子武夷一曲韻

追次業兒盆梅韻

文谷集卷之六

詩九十八首

青湖李判書夫人挽 丙寅

湖翁門館幾留連酒食從知主饋賢八座榮封輝命服廿年陳跡散賓筵潘輿暫就專城養津劍終尋宿世緣東望嘉陵重攬涕舊時墳樹已蒼然

玉洞弊居新構清暉閣粗有水石之勝而不敢為求詩侈大計乃蒙壺谷詞伯先以一律寄題梅磻台兄又屬而和之便覺山門自此生顏色矣茲步其韻以申謝意兼奉梅翁求教

層厓中折小亭開迥出東華百丈埃半世膏肓存水  
石暮年願養取山雷簷間宿霧侵衣濕枕底飛泉攪  
夢回從此洞門增物色故人珍重寄詩來

原韻

玉洞烟霞秘境開清暉高閣絕浮埃秋生紫陌千  
家雨瀑轉青山萬壑雷荷葉動時魚隊散樹陰深  
處鷺絲回游人自爾忘歸去留待簷前霽月來

次韻寄題壺谷南尚書日涉亭

縛竹編茅不日完從知容膝即為安山林輦轂寧殊  
致斗屋層軒可並看籊笠坐疑西塞雨樹陰分丐上

園寒吾人本自同閒趣玉洞清暉映石欄

丫溪金遠明有春塘感舊之作屬壺谷同和並  
以寄示讀來不禁愴涕依韻寫懷以呈

春塘往事卅年中白首相看攬涕同此日冥升叨百  
責當時榮選厠諸公恩波不盡龍池水仙漏空傳禁  
苑風前席周旋渾似夢此生那復仰 重瞳

贈別道源

朱公奎濂

令兄出守鶴城之行

朔方千里壯山河最說登州勝槩多鶴浦沙明花似  
錦龍堂冰泮水如羅新春好送雙鳧去舊客曾馳四  
牡過東閣酒闌應見憶小詞須訪雪兒歌

其二

迢迢征盖渺難攀獨伴春鴻度鐵關中歲別離元作  
惡暮途行止轉多艱黃扉我已慚虛竊紫綬君纔辦  
暫聞同病只須同謝事玉流泉石弄潺湲

伯氏改築石室舊井有詩志感敬步其韻錄呈

石室松楸永有依清泉猶憶濯身時千秋片月長涵

影幾向中宵泣舊詩

獨臥雲山下清泉濯此身即先祖考詩

太白山僧法性沙彌信行袖其師詩卷來示余

之舊題亦在其中撫跡感懷復次其韻以贈

塵緣袞袞惱人多贏得霜毛滿鏡蟠窮巷病來無好

興小階花落剪秋羅

李承旨 繪挽

枉過山屏只隔晨無端凶問豈其真冲和襟韻遺畦

畛孝友家聲聳摺紳灣塞舊書猶在篋銀臺清漏幾

沾巾新秋素紉湖鄉去松菊依然待主人

備局衙罷歸路遇驟雨避入政府少憇凝香閣

荷露松風亦自有清趣感懷口占

不到凝香久聊因避雨來荷殘餘曲沼松老自空臺

往跡偏多感煩襟且暫開還慚似蹲鳳頭白尚遲徊

八月廿二即亡兒懸弧日也病臥玉洞不得躬



莫觴豆尤不堪慟絕用老杜集中宗武生日首  
句足成短律聊以寓哀

小子何時見高秋此日生生離猶有恨死別若為情  
湯餅徒虛設流霞忍獨傾山齋孤臥處淚盡却吞聲

流霞分片片涓滴就  
徐傾即老杜詩中語

玉流洞九月初七夜

松檜陰陰月影移一庭風露透簾帷幽人竟夜清無  
寐臥聽寒泉落小池

感舊惜別口占六絕錄贈關西吳按使

斗寅

時危授鉞重西藩暫屈朝端八座尊卿月乍離京兆

府福星先照大同門

其二

繭絲保障思先務桑戶綢繆赴未陰西土邇來凋瘵  
甚好宣王化結人心

其三

栽松亭下平沙路浮碧樓前芳草洲三十年來來往  
地只今陳跡夢悠悠

其四

練光南畔倚雕檣浪水晴波漾彩舸舉目山河多少  
感亂來風景似新亭

其五

天孫麟馬去已遠箕子井田留宛然最是城西掩淚處荒祠猶記大明年

其六

望日高軒特地奇客中留宿幾多時知君此去煩相憶愧殺紗籠護舊詩

仲氏周甲壽席謹賦一律略寓戒懼頌祝之意人生周甲亦云稀正屬吾兄始滿期七袞光陰初點筭一堂花樹更連枝班資比並相存戒齒髮差池各得衰但願時平身又健每年今日奉深卮

始滿二字用孔文學

書中語

敬次伯氏憶陶山盆梅疊稀字韻詠懷之作

年來雙鬢已全稀漫說歸田未有期浮世夢闌炊黍枕故園春動臘梅枝身各自覺兼榮辱物理須看遞盛衰安得山窗風雪夜兄酬弟勸共含卮

明安公主挽

丁卯

繡褥三珠掌裏嬌允宮鍾愛最先朝曾傷唐棣連枝隕更耐梧桐半樹凋牛渚千秋留綵石鳳樓孤月罷瓊簫宸情不盡鴛原慟忍送銘旌素漣遙

朴寧越

世樟挽

文谷集  
霜臺御史鬢全斑越峽銅符暫乞閒孤櫬遽廻千里  
外五喪相續二年間桐鄉舊跡遺民泣柏樹新阡孝  
子攀西崦一山分半地幾回含淚過柴關

俞司議枋挽

夢老家聲已索然畫獅猶見輅孫傳軒昂噐宇承先  
闕潦倒功名困暮年煦沫尚慚炎海路哀歌重送廣  
陵阡城南破屋今蕪沒每到經過淚自懸

任監司文仲挽

君居城南我城北少小相逢不相識我從秦贅託君  
隣傾蓋論交便莫逆君年九歲長乎我許與忘形謝

拘束登臨多在蠶頭麓醉謔頻留樂甫宅轉眄居然  
四十年只今陳跡森如昨浮世升沈何足論歲寒心  
期兩無斃閱盡滄桑各華顛疇昔朋遊揔零落人生  
遲暮思舊友轉覺斯言是先獲嗟君才噐誰不如疏  
節危蹤困彈射吾人肝膽自一家末俗多口任紛薄  
推波我非爲助瀾落窅君豈疑下石擬將相對付一  
笑此懷未展幽明隔我病三月尚在床引領青門負  
一哭黃壚他日感巨源素車今朝愧元伯前期唯待  
九重泉淚盡清秋薤露曲

尤齋宋先生以朱子詩集中有判院宋村之語

與其先世官號村名相符其事甚奇首步原韻  
以表章之仍屬諸宗人同和以作門中一故事  
又求詩於文苑諸公以張大其事而並徵不佞  
續貂不佞於宋門亦彌甥也義不敢辭謹依韻  
效拙以呈

追遠人情久易闕誰知一氣本相關高門樹德傳喬  
木大老承家仰泰山官號宛符千載上里名先在七  
閩間從來冥會爲真境建水懷川豈異灣

八月十九日曉出城東口占詠懷

時承  
旨出城  
嚴

依依落月下西山東出都門眼界寬猶有一心懸魏

闕不堪回首五雲端

淡湖僑居次朴思菴韻

行裝寂寞寄湖山九月嚴霜摧紫蘭極浦波濤秋渺  
渺高樓風雨夜漫漫功名已作春蠶退棲息還同旅  
鴈寒咫尺蒼梧頻雪涕 崇陵南畔是王灘

角巾亭感懷次壁上韻

江干風露暮淒淒身似沙禽不定棲自有山川隨几  
杖更無門巷鬧輪蹄浮生已悟莊周蝶舊夢猶悲謝  
傳雞陳跡宛然留物色小詩空續壁間題

驪陽

閩公維重

喪車過前江而不得就哭口占

志哀

江漢秋風送去舟百年人事到今休  
門前咫尺丹旌過掩淚那堪聽紉謳

二絲亭口占

青山中斷大江分斗覺高亭出世氛  
回望洛城如夢裏百年榮落摠浮雲

成玳內室挽

閨門懿範協三從壽到遐齡劍化龍  
獨有天涯遊子慟慈烏啼血杜鵑峰

張判書善激遷葬挽

南荒幽問至今悲宿草衿陽十閱暮  
浮世任看流水逝佳城又報故山移  
承家積慶還如許徇國精忠更有誰  
一束生芻無處奠羨湖清淚落哀詞

協兒赴清風口占書贈

清風從古稱靈境三世分符更寡儔  
自是全家多道氣吾人何必讓仙侯

其二

先君遺惠留貞石伯氏清芬有小齋  
此去政聲須趾美向來陳跡更關懷

其三

寒宵姜被凝清閣勝日萊衣觀水軒三十二年如一  
夢白頭孤露淚雙痕

其四

丹丘洞裏三清路玉筍峰前再度行試覓降仙臺畔  
石綠苔應合舊題名

其五

萬古竒觀風水穴一樓幽賞錦屏山此生孤負重尋  
約送爾今朝思未閒

其六

憂深盛滿淵冰慄計熟歸休吠畝宜看爾弟兄飛鳥

去一家隨處揔恩私

其七

搏沙眷屬難常聚炊黍功名本自虛且向江城松桂  
裏公餘閒讀退之書

其八

八年重抱五年哀腸似巴猿寸寸摧生別莫論湖嶺  
遠渺然消息隔泉臺

其九

龐公避世舉家隱疏傅休官父子攜千載高風今可  
繼峽村何地不宜棲

其十

玉流舊洞從蕪沒風珮新居亦謬悠寥落病懷仍歲暮赤城明月夢寒樓

敬次伯氏下示韻

世故漫漫苦未窮衡門獨掩萬山中何人惠好同心事雨雪偏傷詠北風

十二月二十六日曉哭兒墓

缺月疎星映曙雲空山積雪掩孤墳百年至慟今宵哭能遣精靈地底聞

敬次伯氏寄示韻

戊辰

驚風終夜撼疎櫺拍岸春濤苦未平咫尺還愁姜被冷一江相望兩孤亭

江風

春來無日不終風岸柳汀花黯慘中江閣下簾高臥穩任教窗外浪翻空

其二

薄暮狂風吹倒人大江波浪渺無津樓頭病客閒無事坐見孤舟出沒頻

一絲亭會記

此會何曾料相攜永夕留歡情數杯酒勝槩一層樓

花柳春猶冷風濤暮更愁依然獨歸路目送過江舟

李右相詞挽

純忠厚德廟堂姿爰立還嫌十載遲大水無津方作  
楫皇天不憖遽騎箕依稀病枕憂時語悽絕囊封瀝  
血辭孤臥漳濱空雪涕慟懷何獨爲吾私

李判書彝仲挽

我年已六旬親友日凋喪獨有西河翁暮途相倚仗  
居然見存沒踽踽將安放平生山水絃從此永絕響

其二

堂堂白江公德業在史編階庭皆玉樹詩禮卽青氈

惟君趾先美經幄早高騫忠言與正論端不愧前賢

其三

君如山上柏挺然秀衆木枝幹旣崔嵬操節更孤直  
明堂要棟梁須藉扶顛力惜哉中道摧風雨萃厦屋

其四

舉世盡齷齪如君真鮮儔豈惟志尚高有才無不周  
艱危失經綸埋沒歸山丘空留太史文不廢江河流

其五

君有勇退志休官計已宿誅茅鶴浦畔買田首陽側  
此願竟謬悠海山空遺跡寂寞宣城宅柴門鎖松菊



其六

我賦月山鵬君馴瑞石雉仙巖逆旅會把臂論心事  
君家有季女許配我少子一言朱陳約耿耿猶在耳

其七

積殃本由我好緣翻成冤六年腸寸斷兩家淚雙痕  
哀哀未亡人尚賴慈育恩我在君遽逝此慟誰與論

其八

宦跡乍差池心期兩莫逆糠粃忝居前珠玉愧在側  
每惜十年遲誰將百身贖周詩殄瘁悲不獨為私哭

其九

自我出脩門相望勞夢思誰言時月隔便作死生離  
我淚尚有盡我慟終無涯只應九泉下重與盡交期

其十

鬱鬱抱州山迢迢漢湖水丹旄自孤飛素車竟誰埃  
一哀無處展萬事長已矣灑涕寄東風挽歌效蒿里

鄭判府事

知和挽

歸然元老 四朝遺喬木風流尚在茲五世無慚文  
翼後一言能救士林危扁舟共艤盤溪夕未命同承  
寢殿時陳跡只今雙涕盡冠山遙隔漢湖湄

黃承旨

挽

奇禍當年骨亦驚  
寂寥江夏舊家聲  
那堪柏樹霜雙  
淚強爲萱堂屈  
一名夜哭終貽敬  
姜慟春暉不盡老  
萊情湖亭泣閱前  
秋札未覺襟期隔  
死生

鄭公山

榮漢

內室挽

專城佐政幾魚軒  
縞服綦巾素樂存  
晝哭向來悲穆  
伯暮歸何處望  
王孫高年懿範看  
治績厚地遺哀結  
倚門遙想錦江雙  
劍會白頭懷舊獨  
傷魂

夫人之子  
時謫西塞

李進士

時興挽

感好仍同榜  
深情老未闌  
窮愁玄晏病  
苦調孟郊寒  
莫測升沈理  
寧論契濶嘆  
清秋薤露曲  
霑灑向江干

洪生德普挽

南漢城南數疊山  
寂寥孤塚寄中間  
深深玉樹埋黃  
壤獨有水清痛哭還

莊烈王后挽詞

后家從古數塗莘  
誰似尊臨五十春  
三世 聖神歸  
擁佑八方良物固  
慈仁恩分社飯遺  
音愴儉示容衣  
大練陳尚有芳猷  
垂琬琰愧無椽筆  
寫光塵

其二

恭惟 孝廟克寧親  
萬壽爭瞻別殿新  
前歲鬱攸災  
已兆中天軒宿彩  
還淪瓊樓月暗稱  
觴地玉漏風悲

問寢晨宮錦至今香未沫厚恩偏泣白頭臣

敬次先祖考詩韻志感書贈中臺寺道文上人

遺篇一讀一沾巾木石曾將鹿豕羣陳跡只今誰復

問鶴峰千丈出寒雲

先祖考丁丑亂後入鶴駕山之西美洞結茅棲息以木石居扁

室其

已巳二月二十五日到鳩林玄叅奉家中火阻

雨仍留玄家外堂號為竹林亭余曾作記者也

月山面目對之依然堂中有映山紅一盆冬柏

一盆方盛開映山紅開花非其時而就暖滋養

花豔照耀可愛偶值吾行若相期者然亦可異

也主人設酒食以慰之曹一遵朴泰初及里中

諸人皆來會作穩十年之後復到此地與舊時

知友把酒譚叙真可謂相對如夢寐也人事之

不可料者有如此余口占一絕示諸人云已巳

南鄉真覺有前緣受袂重來十五年春雨竹亭留永

夕月山蒼翠夢依然

渡碧波津次陽明韻漫吟

回頭浮世六旬中得喪榮枯摠是空爭似一帆今日

快碧波亭下駕長風

次翁兒渡碧波韻

文谷集  
穩放輕舟過大瀛鯨波鰐浪爲澄清雖慚灑頰存誠  
敬已識長沙一死生白鳥江潭同泛泛青蠅天地任  
營營東風忽起瓊雷思薄暮聯翩旅鴈聲

次翁兒北鴈韻

逐臣南竄日候鴈正向北催回衡浦陣更奮紫塞翻  
紫塞幾日到歸路過京國京國網羅多見粟莫貪食

其二

昔我謫朗州與爾共南征今逢爾北歸留我沃州城  
寒暑異去就禽鳥識猶明默坐徒送日遲爾報秋聲

其三

海濶高飛倦風多哀響沈年年南復北憐爾亦苦心  
自我落天末鄉國阻寄音殷勤繫帛書爲我傳上林

次翁兒強寬韻

四圍雲海莽無邊儘覺吾行有命焉自是殘骸宜瘴  
癘寧容晚節保林泉全生已荷天恩大處困甘從  
地勢偏棲息莫嫌茲島陋向來遷謫揔名賢

次翁兒踏青日韻

梅柳愁看海國春寂寥孤榻與誰親遙憐玉洞溪邊  
屋開盡山花不見人

次翁兒春夜韻記夢

夜靜常百慮身倦暫成睡短夢不道遠鄉園片時至  
寥寥木食窩破壁徒立四別來曾幾日春物紛盈視  
溪桃欲綻紅盆竹正交翠條然衡茅下偃仰有餘地  
相逢隣社人斗酒慰離思展轉忽驚起簷月已西墜  
茲焉可慰意何必浪垂淚

次翁兒春懷韻

苦竹黃茅路漁樵暮各歸風烟入海別魂夢到家稀  
雨禪陶山柳春抽木洞薇東岡他日約虛負薜蘿衣  
次翁兒雨後韻

一帶荒山海上海異鄉佳節近清明閒花待雨遲遲

發幽鳥窺簾欵欵鳴客裏孤吟聊自遣人間萬事苦  
難平春來楚國多芳草正好騷翁澤畔行

次翁兒歸僧韻

孤僧遙帶夕陽歸度水穿林望漸微雲外竹房偏引  
興此時忘却故山非

次翁兒清明韻

節物有如此歸心無奈何飛花捲簾盡芳草閉門多  
海雨春衣冷村烟熟食過偏憐竹間鳥終日送嬌歌  
次翁兒寒食韻

行窮南極到天垠絕海誰憐去國人楚水風波愁北

渚渭川花柳隔西秦  
光陰已變青楓火  
雨露遙悲宰樹春  
獨臥空齋還獨詠  
鏡中添却鬢毛新

其二

孤城誰與作佳辰  
花鳥殊非故國春  
悵望鄉書那易達  
參差歸夢亦難頻  
雲含瘴氣霾青草  
風引幽香漾白蘋  
正憶前年桃浪漲  
釣船看弄漢湖濱

次翁兒夜坐韻

萬事空搔首  
殘春轉憶家  
望中滄海濶  
愁外暮山賒  
古郭烏啼柳  
荒庭月照花  
青烟傳燭地  
無夢到京華

次翁兒曉吟韻

不道春宵短  
羈人苦未眠  
枕驚風外浪  
窻濕竹間烟  
魑魅依孤島  
星辰杳九天  
臥聞寒食雨  
空憶郭東田

次翁兒雨中韻

侵曉寒聲動竹扉  
喜看時雨下霏霏  
空濛已覺年華濕  
斷續還隨日脚微  
溪泛亂紅花正漲  
壠添深綠麥初肥  
前山一夕芳菲遍  
付與羈人飽蕨薇

其二

三月韶華能幾日  
一番風雨又今朝  
飛花委地愁飄泊  
巢燕含泥伴寂寥  
玉洞清流思石瀨  
金臺新漲想溪橋  
天涯勝賞何由得  
日斷歸程瘴海遙

次翁兒霽後韻

忽覺清心目朝來小雨晴薄雲低度海斜照半街城  
亂水通畦白殘花映竹明逍遙仍眺望猶足暢幽情

其二

漂轉浮生老陰晴異地看山容遙帶濕海氣晚生寒  
小圃葱芽嫩疎籬竹影團呢喃簷畔燕亦自喜泥乾

次翁兒北懷四首韻

疎慵素乏廟堂姿丘壑初心即此知鑿得層巖開小  
檻引來幽澗入方池朝回謝客開門少睡起看山下  
落遲清境只今成悵望海天歸夢落花時

右玉流洞

不向京師戀五楸終須晚計託斯丘千峰一壑符前  
夢暮鼓晨鐘合退休且取先賢耽僻寂非關道士傲  
王侯去洞府憑誰管澗草山花冷似秋

浮道士詩  
木食語

頸聯用延  
平語及羅

右木食洞

清絕東湖第一洲向來沿泝幾停舟平沙夕景村邊  
映孤島春雲水上浮正喜阿兒營小築還須老子臥  
高樓無端宿計成虛擲碧海遙牽萬里愁

右楮子島

送老菴前盡白雲茅山元不羨陶君依巖草屋林鷓  
足傍壑苔磯野鹿分當日漁樵空有約只今魑魅與  
爲羣三春瘴海歸心斷瀑水松風夢裏聞

右風珮洞

次翁兒晚望韻

悠悠思遠道悄悄閉空堂散步憑孤杖安眠足一床  
家書抵金貴春夜似年長敢道歸期早愁眉未著黃

聞後命

三朝忝竊竟何禪一死從來分所宜唯有愛君心  
似血九原應遣鬼神知

定諸孫名書示兒輩

盛滿招神忌榮名作禍根須將一謙字勉勉戒諸孫

次壺谷韻寄題八卦亭

大老曾遊地因人境更佳窻排庖昊卦心得巷顏齋  
遠岫爭穿戶澄江欲浸階嚴程空悵望勝賞苦難諧

公奉命完山之時竹林院儒以壺谷韻來求和道中蓋嘗屬思而未及卒篇今始足成落句

高山一曲次朱子武夷一曲韻尤齋嘗寫高山

諸公分次武夷棹歌韻以紀之公諾而未就至是始口占

一曲松間漾玉船冠巖初日映前川攜筇坐待佳朋  
至遠岫平蕪卷曙烟



追次業兒盆梅韻

昌業曾詠盆梅請次韻至是口占

苔積根蟠土紗明影透門幽香偏愛靜素萼不嫌繁  
朔氣凋千卉春光寄一盆還憐二三樹蕪没玉流園

文谷集卷之六

文谷集卷之七目錄

和陶詩

五十首

初配原城改竄朗州自楊山轉就南路次經曲

阿韻

辭先墓次經錢溪韻

公山途中夜行次江陵夜行韻

登葦嶺次阻風規林韻

渡滌津次阻風規林韻

先王練葦次詠三良韻

九日次九日韻

二首

遷居鳩林次移居韻 三首

次歸園田居韻 六首

次和郭主簿韻示兒輩

次命子詩韻書與協行

同雲四章次停雲韻

贈別和順金使君 必振 次答龐參軍韻

次時運韻

鳴鴈四章次歸鳥韻

新春憶磻溪白雲次始春懷古田舍韻 二首

次游斜川韻

自鳩林還移郡底舊寓次還舊居韻

次酬劉柴桑韻

讀朱子書次讀山海經韻 十首

臘日山行次蜡日韻

月山紀游次雜詩韻 十首

臥病彌月忽覺春晚漫用示周祖謝韻遣懷

病中遣懷用和劉柴桑韻

科體詩 二首

嗚呼島吊田橫

藏史名山

文谷集卷之七

和陶詩 五十首

初配原城改竄朗州自楊山轉就南路次經曲阿韻

筮卦未遇遯瀝血初上書雷威方赫然火色已焚如  
蒼黃出都門屏營臨路衢策名歷三朝報國愧空  
疎曾無袞職補虛辱恩榮紆投荒豈非幸臣罪死有  
餘東隅與南徼何地不宜居休嗟對野鵬且免藏江  
魚人生處宇內遠近元無拘當時枕椰林亦著坡翁  
廬

辭先墓次經錢溪韻

承家訓戒忝立朝愆累積嚴程出先壠撫事愴疇昔  
哀纏銜索魚倦羨投林翮那堪霜露感復此嶺海隔  
浮榮竟何益半世困形役方知三畝聞不以萬鍾易  
危蹤似秋葉風雨任蕩析只應瘴鄉夢長攀故山柏

公山途中夜行次江陵夜行韻

暝色帶秋陰川原漸晦冥遙看鳥雀歸轉添羈旅情  
石梁度灣碕山徑披榛荆稍稍寒雨歇蕭蕭夕風生  
倦馬鞭不進流螢滅復明崎嶇何足嘆世路本難平  
感彼天邊鴈誰誰亦南征緬憶灘上釣更懷谷口耕

胡為誤形役苦被塵網縈所以曠達人處世貴無名

登葦嶺次阻風規林韻

南奔登葦嶺北望拱宸居康莊達四方簷屨爭于于  
受玦獨何人棲棲趨海隅冥行久不戒敢辭涉畏塗  
山形擁大陸水勢分重湖巖危睥睨懸洞邃人烟疎  
楚望窮千里秋天颺颺餘緬挹脚血翁吾道信所如  
渡滌津次阻風規林韻

瀾瀾滌湖水一葦以杭之沙禽故相趁似與騷人期  
蕭然水竹鄉更值清秋時平生夢想地不意身到茲  
何嫌漁父問却慚瀧吏辭行藏已任天去矣休遲疑

先王練菴次詠三良韻

蒼梧巡狩遠鼎湖  
弓劍遺賤臣遲一死  
蓐蟻愧誠微  
自顧庸陋質遭逢  
最恩私從容登厦  
瓊密勿厠經帷  
平生圖報心奈此  
身名虧炎荒隔嵩  
印中夜夢獨歸  
未命猶在耳  
威顏終永違  
誰哀子車殉今也  
固所希  
年年八月日萬古  
有餘悲長號向北  
天想見陳裳衣

九日次九日韻

節序屬天運憂樂隨地生  
逐客自鮮歡佳辰空記名  
身同旅鴈遠鬢著繁霜  
明孤城動海色萬壑連秋聲

忽忽感蕭晨駸駸惜暮齡  
黃花只暫香白日易西傾  
默思浮世事轉頭異枯榮  
物理諒如此我何苦傷情  
新詩亦漫興援筆聊自成

其二

謫居斷知聞他鄉寡朋交  
都忘節物換但覺容鬢凋  
忽驚九日至舊俗重登高  
登高亦何興嶺海際層霄  
鄉園不可見目極心徒勞  
且復引濁醪無使愁腸焦  
獨醒雖愧屈虛壘還勝陶  
舉觴醉二子一醉以終朝  
遷居鳩林次移居韻

稍厭處城闈茲焉得所宅  
窻開海門秋簾卷月峰夕

地偏去人喧心定謝物役林僧許結社野老時爭席  
安身卽爲家過眼便成昔天地一籬廬此理吾已析

其二

移居古猶今蘇老和陶詩我生後二子有詩且和之  
清風灑五柳千載起遠思白鶴卜新居遷謫各一時  
行休舍達間我心只如茲無入不自得先聖豈我欺

次歸園田居韻

東坡謫惠州遊白水山佛跡巖而歸悉次淵  
明歸園田詩韻今余所寓有國師巖卽道詵  
遺跡也遂用其韻以志之

陂陁國師巖斜對月出山鳩林徵異事陳跡已千年  
流傳巖下路舊是千尋淵嘗聞灰變劫始驗海成田  
誰言漢陽客竄身來此間登巖試四望海山皆眼前  
前臨數百戶日夕連炊烟真僧卓錫地苔髮被巖顛  
有時獨盤桓目送浮雲閒銷沈何足論我心正悠然

其二

宦游苦趨塵謫居幸稅鞅閒依耕釣隣稍愜湖海想  
慵來且高臥興到時獨往人情任厚薄物理看消長  
雲歸碧峰陰潮落滄洲廣卽此散幽襟何須攬宿莽

其三

歲晏風景冷村深車馬稀隣翁挈榼至不醉卽無歸  
捫松露灑面摘橘香滿衣已謝簪組累寧愁鄉國違

其四

茲鄉信樂土山澤佳可娛層巒開洞府遠浦繞村墟  
向來落南土於焉多卜居岸岸竹成林家家梅並株  
溝塍紛繡錯原野何曠如秔稻歲常登魚蝦味有餘  
里社日過從樽罍不魯虛吾幸得所託新詩安可無

其五

慎莫涉世路世路羊腸曲慎莫戀功名功名蛇著足  
何如竹林下斗酒且相屬披襟遡清風促席剪殘燭

撥棄身外愁優游度曉旭

其六

比隣多耆老東阡或北陌柴扉煩屢敲步屨隨所適  
賴此風俗淳鮭菜資朝夕濁醪過墻頭寒燈分壁隙  
却羨山野人間居無所役生涯有竹橘事業唯耕績  
嗟余困文網虛名竟何益

次和郭主簿韻示兒輩

坡翁在謫聞子過誦書聲節聞美感念少時  
乃和淵明二篇云今余謫裏夜聞兒輩讀書  
聲亦有所感遂用其韻書示

聖訓在方策中宵頻擊節匪惟口耳資要使心源澈  
吾人敢自逸孔編亦三絕庶幾進堂室追蹤顏閔列  
士不待文興然後稱豪傑克復與博約傳授有遺訣  
莫令少壯時虛拋閒歲月

次命子詩韻書與協行兼示諸兒

我金之顯肇自李唐煌煌太師功烈輝光猶良佐漢  
若望克商分茅錫土奄有古昌  
自麗迄今天星幾周維桑與梓鬱彼故丘重圭累組  
遺澤永流積善衮衮宜公宜侯  
於皇我祖步武夔龍太上是立奚止言功義著漢堦

倫叙箕封千秋孤竹伯仲比蹤

青青寒松不改舊柯皎皎孤鶴或冒爵羅吁嗟我祖  
遭世之宥雪窖有詠流響胡沙

奮若之會喜甚同德天之不祚遺恨 宗國事有萬  
變一心靡忒持敬之功無入不得

于堂于構敢忘本始睠彼先廬北山之里烝烝我考  
齋扁知止窮也非戚達也非喜

自我孤露風樹靡及終焉顛躓豈曰成立昔承祖訓  
名譽非急靜思莫追中夜啜泣

蛾述鳥習俱取其時九四之教我祖我思嗟爾小子



式克欽茲希之則是夫豈遠而見九四事書牘

汝隨我南時維流火迨茲水至汝始辭我安時處順

何適不可三餘之業天實汝假

名汝字汝自汝嬰孩悔我既往勗汝方來盡性踐形

是參三才日邁月征念哉敬哉

同雲四章次停雲韻

鬱鬱同雲濛濛零雨言念君子山海其阻我佩之華

誰與玩撫采采三秀歧予以佇

同雲其鬱零雨其濛靡舟靡楫曷以濟江有墻當面

疇關竹窻凡今之人匪我攸從

衡之槁矣蕭艾其榮蓀之不聞孰察中情寄言浮雲

我心借征德音莫違惠我後生楚辭思美人云願寄言於浮雲

飄風發發有蕓辭柯晦之在根葆我春和喪不為少

得不為多素位而行其如余何

贈別和順金使君必振罷官歸洛次答龐參軍

韻

往事不堪說卽事難為言不恨滯江潭且喜歸田園

以我蘭芷詠和君松菊篇孰云蹤跡殊心事同悠然

飛蓬與漂萍離合俱隨緣世途難久居頭髮各已宣

所得輕毫芒所喪重丘山何如遂初服泊然終吾年

次時運韻

憂心悄悄坐以待朝行邁遲遲出宿于郊顧瞻西方  
浮雲蔽霄南山有田疇植豆苗

浩浩湘流我纓斯濯登彼石巒爰展我矚優哉游哉  
無有不足隨時任運樂吾之樂

楚辭云登石而遠望

沂洄婺洛于泗于沂指彼聖域期與同歸富貴如雲  
我手斯揮往者不諫來猶可追

仁宅義路孰云籩廬居斯由斯其樂無如澄此真源  
水鏡冰壺得喪禍福曷足累余

鳴鴈四章次歸鳥韻

嗷嗷鳴鴈集于上林飄風吹汝遠落衡岑唼其蘆矣  
稻梁非心遵彼湘渚以永窮陰

嗷嗷鳴鴈差池于飛鳴亦相和飛亦相依不先不後  
聯翼以歸同聲同氣寧或相遺

嗷嗷鳴鴈翔集徘徊水清沙暖可游可棲相彼鳥矣  
求友聲諧矧伊人矣兄弟孔懷

嗷嗷鳴鴈其聲遠條色斯冥冥誰挹高標滔滔江漢  
魚網相交母或罹之使我心勞

新春憶磻溪舊居白雲新築次始春懷古田舍

二首韻

節物惹新愁山川異舊踐吾儕誠小人懷土所不免  
舊築磻溪上悠然歸意緬求田計已宿涉世策無善  
向來一壑專今日三危遠春風漾清漢夢隨鴻鴈返  
漁村一夜雨溪水知深淺

右憶磻溪

竊祿每包羞歸田可安貧買山卜菟裘此計良已勤  
將尋遂初賦翻作投荒人雲林幾夢想歲華忽復新  
冰開泉泱泱風暖木欣欣憶昔訪仙源桃花紅漲津  
烟霞秘洞府麋鹿自爲隣此生苦飄蕩遠愧避秦民  
右憶白雲

次游斜川韻

歲序自推斂人生有行休幸茲海隅謫得遂山澤游  
仰看疊嶂秀俯視清波流日華初轉蕙春聲已泛鷗  
曠然暢心神何必懷故丘不嫌斷逢迎不恨寡朋儔  
有酒且獨酌得句還自酬斜川舊游樂亦復如我不  
朗詠淵明詩逍遙可忘憂卽此送餘年此外更何求

自鳩林還移郡底舊寓次還舊居韻

是身如浮雲飄揚隨所歸遠近旣無定肯作去故悲  
心安卽爲家孰云吾土非所寓本如寄所過卽如遺  
寰區亦傳舍何地不堪依萬事且隨緣物理從可推

百年等泡影世念覺漸衰唯應適吾適外物都已揮

次酬劉柴桑韻

自我謫南國歲序忽已周白露下青楓蕭瑟山海秋  
孤蘭易凋歇蓬艾紛盈疇引領望西方美人今安不  
娟娟明月佩誰與同翔遊

讀朱子書次讀山海經韻

夜深村巷靜林木冷蕭疎青熒一點燈照此竹間廬  
移燈就匡床坐閱聖賢書少壯久迷路遲暮始回車  
至味解忘肉何曾厭山蔬對越千古上超然與道俱  
訂頑有遺訓太極有遺圖潛心玩且繹一理同純如

其二

孔門七十子傳道曾與顏我生生苦晚相後隔千年  
無由闖宮墻徒自仰高山淵源尚可尋方策有微言

其三

濂洛倡絕學正統傳紫陽心通一源妙理集百家長  
邪說賴以闢斯文久愈光丁寧吾道託獨有勉齋黃

其四

五十餘無聞撫躬恒自憐點檢一生事尤悔積如山  
開卷有餘師洋洋摠嘉言桑榆倘可收抱此送殘年

其五

道固有消長陽或不勝陰  
雕倉各一轍亦有餘與林  
蚍蜉撼大樹蚊蚋亂正音  
公論在百世彼哉獨何心

其六

草草四十日立朝苦不長  
惟其義與歸出處道何常  
季氏富周公宣聖亦絕糧  
古來非獨今嘆息意未央

其七

屏山有遺訣根晦春敷木  
早年觀冰壺晚節棲雲谷  
沂洄九折溪身澡德更浴  
分明千載心長夜揭華燭

其八

鳴鳥不復聞聖嘆欲浮海  
筮遯火其章亦知微意在

空餘衛道心九死終靡悔  
發揮經傳與千秋若有待

其九

瑤琴嘆絕絃疇能識其旨  
南軒既早歿西山又謫死  
英資吳伯豐直節魏元履  
生才竟夭闕天道亦難恃

其十

弘道實在人惟天篤降才  
付畀豈不重繼往又開來  
好德本秉彝狐鼠反妬猜  
嗟嗟偽學禁此名胡爲哉

臘日山行次蜡日韻

今朝偶出村日暖風更和  
不須赭鞭催庾嶺梅自花  
雲山入觴詠樂事亦云多  
猶勝揚子切斗酒爲勞歌

月山紀游次雜詩韻

青山如高士千丈迴拔塵雲歸藏半腹木落露全身  
自我竄海徼四顧寡朋親朝朝看不厭獨與山為隣  
經年懶出脚發興自茲晨雪中南嶽游庶無愧前人

其二

牛車始舍馬石路斜穿嶺溪心逗輕冰木末照初景  
循厓竹輿鳴踐雪芒屨冷老僧候山門引我幽思永  
風榛送樵聲苔壁度雲影西南見湖海目力時遠騁  
寧辭腰脚勞稍喜心神靜牛車洞名是日岬寺諸僧具竹輿來待洞門

其三

山行耽竒勝遠近誰復量扶持賴瘦竹過憇得禪房  
衆壑互吐吞層峰聳中央豈是日易夕幽林不照陽  
崖邊有殘雪一為洗俗腸朱子游南嶽取食崖邊積雪有詩曰落葉踈林射日光誰分殘雪許同嘗平生願學程夫子恍惚憶當年洗俗腸

其四

登山如從善勇進肯猶豫仰看石峰峙勢如孤鳳翥  
時經澗樹歇更入烟蘿去真境不厭深世紛已忘慮  
僧言上上頭壯觀絕無如九龍井猶存四時雲常住  
非無獨往興直窮最高處翻思咋指戒敢忘垂堂懼

九龍井峯最有眺望之勝而崖徑甚危畏故不果登焉

其五

山色本自佳新晴更可喜風日為我溫天公亦好事  
開雲出眾峰嶽神豈無意休嗟去國遠幸與茲山值  
憑高氣欲舒脫險行方駛奇哉造化功融結壯布置  
是日山無雲翳  
風日和暖如春

其六

行行山路險崖硤勢相迫險路豈不艱勝如走街陌  
龍巖倚寺樓天水生遠白頓令心境恢轉厭世界窄  
殷勤謝殘衲蔬果解餉客何當脫塵累結茅此焉宅  
龍巖寺樓正對  
海口有勝槩

其七

西臨挹若華東眺窮扶桑中間瞰積蘇羣物一糝糠  
胡為勞四大營營徇口糧冠鷄帶貝者意氣何陽陽  
蝸角與蟻穴終古同一傷不喜陟台階不怨擯炎方  
吾將仍羽人大醉流霞觴

其八

岬寺罷暮磬新月在林端北池最清幽臨水席頻遷  
回瞻所來徑暝靄迷層巔林叟餉臘酒山僧供夕餐  
頗諧象外趣欲謝區中緣愧無江潮韻空吟桂樹篇  
岬寺北池塘有瀑流竹石  
之勝鳩林諸老攜酒來會

其九

清湍映脩竹未必讓會稽飛瀑未全凍寒聲吼砭厓  
逍遙石上月令我爽襟懷夜歸丈室臥一燈伴沙彌  
推窻玉繩低白雲影離離地清夢想空未覺身旅羈  
聽鐘發深省志業愧多虧

其十

林中薜菑花庭前柏樹子薜菑香可嗅柏樹枝可倚  
我自愛此景何曾悟禪理

臥病彌月忽覺春事已晚閱陶集示周祖謝三  
郎詩有負病頽簷下終日無一欣之句漫用其

韻以遣無聊之懷

村墟過夜雨萬象各欣欣芳草綠如烟嬌禽啼向人  
蕭然一孤客愁與病相因賞心覺全減佳節驚屢臻  
閉門枕藥裹床蟻靜獨聞向來行樂地徒然夢想勤  
時從簷隙望百花映四隣青春信無私亦到瘴海濱  
病中遣懷用和劉柴桑韻

病餘試閒步拄杖暫躊躇地偏應接少四體任起居  
出門亦奚適歛跡守蝸廬坐看春景晚落花遍村墟  
家家務東作浸草更燒畬貴賤各有役及時在勤劬  
嗟余處幽獨終歲一事無敢論飲啄艱所愧志業疎



生涯託書簾此外復何須回頭語老農身計吾不如

科體詩 二首

嗚呼島吊田橫 乙酉

嗚呼島嗚呼島嗚呼之號胡為乎田橫之徒死此島  
遂令此島名嗚呼一片孤島千載下夫何使我起長  
吁田橫義氣今古稀田橫之客天下無齊人一自歌  
松柏臨淄卽墨不復都六王既畢四海一秦皇虎視  
黎元愚望夷宮中失其鹿天下共逐爭馳驅有媯之  
後將復育崛起壠畝王一隅兄弟三人遂更王誓雪  
先耻安寰區無端全齊七十城遽誤高陽一酒徒烹

儒一入海島邊屈身肯向漢庭趨漢使東來傳帝命  
來則王侯否則誅此日北面寧不愧始與漢王同稱  
孤尸鄉亭下薤露晞一死還與二客俱島中有客五  
百人同死之志終不渝還如魯連蹈東海却似首陽  
子嗟歿若非平生得士心信義安得如是乎當時一  
士亦足王奈何未保千金軀雖云顛沛亦何傷萬古  
清風立懦夫嗚呼之名傳至今過客到此皆踟躕我  
今吊古酌以文想見其人涕沾濡君不見世上紛紛  
輕薄兒翻覆雲雨在斯須

藏史名山

仲尼絕筆於獲麟百世之下無良史墳典之書秦火  
焚皇王事跡俱燼燬惜哉左狐不復得筆削誰能遵  
聖軌遙遙華胄祖重黎周太史後司馬氏流風不泯  
厥緒綿祖傳其孫父傳子龍門降生豈偶然自在孩  
提已識字二十發軔作遠遊東西南北窮山水自此  
添得壯藻思冥搜萬古通玄理周南留滯固所惜執  
手遺訓猶在耳火急著書紹先志筆法仰承麟經旨  
起于五帝至漢代表志傳紀爲終始首贊明王與誼  
辟次述賢臣及義士海外蠻夷戎狄事一一昭然備  
于此書成更謀不朽地遂將藏去各山裏緹巾華匱

十襲芸簡編不容蟲鼠毀定知山靈煩護呵鬼神環  
擁風雨避山之崩今史可滅此篇壽與茲山似世代  
變遷山依然其書尚存其人死其人雖死袞鉞在亂  
臣賊子無敢起嗚呼亂臣賊子滿天下如今誰識春  
秋義

文谷集卷之七

